



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՈՍՏԻԿԱՆՈՒԹՅԱՆ ՊԵՏ

Հ Ր Ա Մ Ա Ն



Թիվ 2765-Ձ

ՀՀ ՈՍՏԻԿԱՆՈՒԹՅԱՆ ԲԺՇԿԱԿԱՆ ՎԱՐՉՈՒԹՅԱՆ
ՄԻ ԽՈՒՄԲ ԾԱՌԱՅՈՂՆԵՐԻ ԿԱՐԳԱՊԱՀԱԿԱՆ
ՏՈՒՅԺԻ ԵՆԹԱՐԿԵԼՈՒ ՄԱՍԻՆ

ՀՀ ոստիկանության շտաբում կատարված ծառայողական քննությամբ պարզվել է, որ ՀՀ ոստիկանության բժշկական վարչության ֆինանսատնտեսական բաժանմունքի պետ, ԲՀԾ 2-րդ դասի խորհրդական Ա.Սավգյանը ծառայողական պարտականությունները կատարել է ոչ պատշաճ, հանդիսանալով ֆինանսատնտեսական բաժանմունքի պետ հետևողականություն չի ցուցաբերել աշխատանքից ազատված աշխատակիցներին հասանելիք պարզևավճարները տրամադրելու ուղղությամբ, բացի այդ, թույլ տալով ՀՀ աշխատանքային օրենսգրքի պահանջների խախտումներ՝ որոշակի ժամկետով և սեզոնային աշխատանքների կատարման համար կնքված աշխատանքային պայմանագրերի հիման վրա կատարել է աշխատողներին աշխատավարձի ավել վճարումներ, ինչով թույլ է տվել «Ոստիկանությունում ծառայության մասին» ՀՀ օրենքի 60.²⁶-րդ հոդվածի 1-ին մասով նախատեսված կարգապահական խախտում:

Իրենց հերթին, ՀՀ ոստիկանության բժշկական վարչության պետի տեղակալ, բժշկական ծառայության գնդապետ Ա.Թալանյանը և նույն վարչության պոլիկլինիկայի դեղատան պետ, բժշկական ծառայության փոխգնդապետ Ա.Ստեփանյանը ծառայության նկատմամբ դրսևորելով անփութ վերաբերմունք՝ իրենց գործառույթներից բխող ծառայողական պարտականությունները կատարել են ոչ պատշաճ, արդյունքում վարչության կադրային աշխատանքները, ինչպես նաև ծառայողական պարապմունքները կազմակերպվել են թերի և բացթողումներով, իսկ դեղատան գործունեությունում չեն կատարվել համապատասխան վերլուծություններ, ինչպես նաև պատշաճ չի կատարվել պիտանելիության ժամկետները լրացած դեղամիջոցների հայտնաբերման, ակտավորման և խոտանման աշխատանքները, ինչով խախտվել է ՀՀ առողջապահության նախարարի 01.02.2013թ. թիվ 05-Ն հրամանով սահմանված կարգի 6-րդ կետի պահանջները: Այսինքն՝ Ա.Թալանյանը և Ա.Ստեփանյանը թույլ են տվել «ՀՀ զինված ուժերի կարգապահական կանոնագիրք» ՀՀ օրենքի 42-րդ հոդվածով նախատեսված կարգապահական իրավախախտում:

ՀՀ ոստիկանության բժշկական վարչության ոստիկանության բժշկական հանձնաժողովի նախագահ, բժշկական ծառայության փոխգնդապետ Ս.Ասլանյանը չի կատարել պաշտոնեական պարտականություններից բխող ՀՀ իրավական ակտերի պահանջները խստորեն պահպանելու իր պարտականությունները, ոստիկանության ծառայողին ներկայացվող առողջական վիճակի հետ կապված պահանջներին համապատասխանությունը, ինչպես նաև մահվան՝ ծառայության

հետ պատճառական կապը որոշելիս, որպես ոստիկանության բժշկական հանձնաժողովի նախագահ՝ չի ձևավորել գործող իրավակարգավորումներին համապատասխան իրավակիրառ պրակտիկա, չունենալով իրավասություն՝ կարգավորող իրավանորմերը մեկնաբանել է յուրովի և ցուցաբերել է ոչնչով չարդարացված անվերապահ՝ կամային մոտեցում, ինչը հանգեցրել է անձանց իրավունքների ոչ իրավաչափ սահմանափակմանը, ինչով խախտել է «ՀՀ զինված ուժերի կարգապահական կանոնագիրք» ՀՀ օրենքի 3-րդ հոդվածի 1-ին մասի 1-ին և 2-րդ կետերի պահանջները:

ՀՀ ոստիկանության բժշկական վարչության պետ, բժշկական ծառայության գնդապետ Ս.Անանյանը ծառայության նկատմամբ դրսևորելով անգործություն, լիարժեք և բարեխղճորեն չի կատարել իր գործառնական պարտականությունները՝ պատշաճ հսկողություն չի իրականացրել ենթակա ստորաբաժանումների ծառայողական գործունեության կազմակերպման նկատմամբ, արդյունքում իր ղեկավարած ստորաբաժանման աշխատանքները կատարվել են խախտումներով, թերի և բացթողումներով, ինչպես նաև ժամանակին չի կանխել ոստիկանության բժշկական հանձնաժողովի կողմից անձանց իրավունքների իրացմանը խոչընդոտող իրավակիրառական պրակտիկայի կիրառումը, բացի այդ, չունենալով իրավասություն հրամաններ է արձակել՝ ոստիկանության բժշկական հանձնաժողովի բժիշկ-փորձագետներին որպես ժամանակավոր փոխարինողներ այլ բժիշկներ նշանակելու վերաբերյալ, ովքեր իրավասու չեն եղել բժշկական փորձաքննություն իրականացնելու, ինչով խախտել է «ՀՀ զինված ուժերի կարգապահական կանոնագիրք» ՀՀ օրենքի 3-րդ հոդվածի 1-ին մասի 1-ին և 2-րդ կետերի պահանջները:

Հարկ է անդրադառնալ, որ բժշկական ծառայության գնդապետ Ս.Անանյանը և բժշկական ծառայության փոխգնդապետ Ս.Ասլանյանը նույնաբնույթ իրավախախտում թույլ տալու համար ՀՀ ոստիկանության պետի 12.05.2022թ. թիվ 1373-Ա հրամանով ենթարկվել են կարգապահական տույժի:

Ելնելով վերոգրյալից, հիմք ընդունելով «Ոստիկանությունում ծառայության մասին» ՀՀ օրենքի 60²⁶-րդ հոդվածի 1-ին մասի 2-րդ կետը, «ՀՀ զինված ուժերի կարգապահական կանոնագիրք» ՀՀ օրենքի 19-րդ հոդվածի 1-ին մասի 2-րդ կետը, նույն հոդվածի 2-րդ մասը, 23-րդ հոդվածի 1-ին մասի 1-ին և 13-րդ կետերը, և ղեկավարվելով նույն օրենքի 5-րդ հոդվածի 11-րդ կետով և 26-րդ հոդվածով, «Զինվորական ծառայության և զինծառայողի կարգավիճակի մասին» ՀՀ օրենքի 54-րդ հոդվածի 1-ին մասի 7-րդ կետով, ինչպես նաև «ՀՀ ոստիկանության կարգապահական կանոնագիրքը հաստատելու մասին» ՀՀ օրենքով և ՀՀ ոստիկանության պետի 22.10.2010թ. «ՀՀ ոստիկանության քաղաքացիական ծառայողների աշխատանքային կարգապահական ներքին կանոնները սահմանելու մասին» թիվ 2218-Ա հրամանով հաստատված հավելվածի 45-րդ կետով.

Հ Ր Ա Մ Ա Յ ՈՒ Մ Ե Մ

1. Ծառայողական պարտականությունները ոչ պատշաճ կատարելու համար ՀՀ ոստիկանության բժշկական վարչության ֆինանսատնտեսական բաժանմունքի պետ, ՔՀԾ 2-րդ դասի խորհրդական Աննիկ Գրիշայի Սավգյանին հայտարարել «նկատողություն»:

2. Ծառայության նկատմամբ անփույթ վերաբերմունք դրսևորելու, իրենց գործառույթներից բխող ծառայողական պարտականությունները ոչ պատշաճ կատարելու համար, ՀՀ ոստիկանության բժշկական վարչության պետի տեղակալ, բժշկական ծառայության գնդապետ Արման Կոնստանտինի Թալանյանին և նույն վարչության պոլիկլինիկայի ղեղատան պետ, բժշկական ծառայության փոխգնդապետ Ալեքսանդր Վարուժանի Ստեփանյանին հայտարարել «նկատողություն»:


3. ՀՀ իրավական ակտերի պահանջները խստորեն պահպանելու իր պարտականությունները չկատարելու, չունենալով իրավասություն՝ կարգավորող իրավանորմերը յուրովի մեկնաբանելու և ոչնչով չարդարացված անվերապահ՝ կամային մոտեցում ցուցաբերելու, դրանով իսկ քաղաքացիների իրավունքները խախտելու համար, ՀՀ ոստիկանության բժշկական վարչության բժշկական հանձնաժողովի նախագահ, բժշկական ծառայության փոխգնդապետ Սոնա Յուրիի Ասլանյանին արձակել զինվորական ծառայությունից:

4. Ծառայության նկատմամբ անգործություն դրսևորելու, գործառնական պարտականությունները լիարժեք և բարեխղճորեն չկատարելու՝ ենթակա ստորաբաժանումների ծառայողական գործունեության կազմակերպման նկատմամբ պատշաճ հսկողություն չիրականացնելու, բացի այդ, իր իրավասությունների մեջ չմտնող հրամաններ արձակելու համար, ՀՀ ոստիկանության բժշկական վարչության պետ, բժշկական ծառայության գնդապետ Սասուն Սանասարի Անանյանին արձակել զինվորական ծառայությունից:

5. ՀՀ ոստիկանության պետի տեղակալ, ոստիկանության գնդապետ Վ.Մովսիսյանին՝ հրամանի մասին սահմանված կարգով ծանոթացնել կարգապահական տույժի ենթարկված ծառայողներին:

6. Հրամանը հայտարարել ՀՀ ոստիկանության բարձրագույն, գլխավոր և ավագ խմբերի պաշտոններ զբաղեցնող ծառայողներին և քաղաքացիական ծառայողներին:


ՈՍՏԻԿԱՆՈՒԹՅԱՆ ԳԵՆԵՐԱԼ-ՄԱՅՈՐ



Վ.ՂԱԶԱՐՅԱՆ

«13» 09 2022թ.
ք.Երևան

Հարգելի Վ. Ղազարյան,
Ձեր հրամանի մասին ծանոթացնում եմ:



Հարգելի Վ. Ղազարյան,
Ձեր հրամանի մասին ծանոթացնում եմ:

